



88711

序

余性不能詩。然好讀古人之詩。每卽古人之胸次。久之。胸次亦漸開。然觀之。輒自慙。蓋無古人之胸次。而欲爲古人之詩。譬猶水之無源。木之無本。求其泓瀆而茂。遂豈可得哉。因是輟不復作。以爲吾亦惟讀古人之詩已耳。又以爲天下之大。豈無具古人之胸次。而能爲古人之詩者。苟有其人。吾得而讀之。好之。是亦猶之古人之詩也。昔秦誓之一個臣於人之有技。若已有之。好人之彥聖。不啻自其口出。卒之能保子孫黎民。而不以無他技。詘也。余好古人之詩。今人有似古人之詩者。余又知好之。其所得不旣多乎哉。又何必眞自我出。然後爲慊於志哉。吳君彥復。以先蔭補官刑部。勘獄。必盡心。不以權貴之屬。託而曲法。以出入人。旣又上萬言書。言時事。朝政多他人所諱言者。大僚抑不達。遂辭官歸。不肯默以求容。此所謂具古人之胸次者。非耶。君素工詩。至是哀其前後所作。爲未焚草。又就其中取若干首。半多感事憂時之言。以爲此編。名曰北山樓集。余讀之。清怨感人。淵衷如揭。蓋眞所謂古人之詩也。具



古人之胸次者也繼自今余又將讀而好之矣然則雖
終吾生不作詩可也

光緒己亥二月淝上張文運

北山樓集

自序

吾家北山樓曾文正公開府江南時貽金爲先君子所
築卽先大父京卿公所嘗講學近思軒舊址也保初自
幼讀書其中壁間有何子貞太史爲題額一幅並跋尾
闡發先君子之心迹甚悉厥後奔走人事與此樓日益
踈十數年來始得解組言歸山居多暇因畧檢樓中所
貯典籍大都已稍稍散佚今所存者祇四萬餘卷而壁
間何先生題額亦不可復見矣稱圭無恙猿鶴笑人回
憶兒時遊釣之處幾如隔世雖遺經尙在而於學仍一

北山樓集

無所窺區區之作又不能略得古人途徑吁足愧矣顧
舊時知好不忍棄置日有索觀用敢排印一二以代鈔
胥藉就正有道君子焉光緒己亥仲春保初自識

北山樓集目錄

五言古詩四首

七言古詩一首

五言律詩十二首

七言律詩十八首

五言絕句十一首

七言絕句十三首

余幼既失學他日未嘗學問然賦性迂繆故哀樂恒過於人性之所發往往失之於偏觸哀怨則不免悵憤溺和樂則又流於淫哇卽日有所作亦安敢妄希古人哉書曰詩言志歌永言此大舜之論詩也言者心之聲也故曰不學詩無以言詩三百

北山樓集

一言以蔽之關雎樂而不淫哀而不傷可以觀可以羣可以怨邇之事父遠之事君王者之迹熄而詩亡嗚呼此聖門之論詩也太史公傳屈原而哀其志亦曰國風好色而不淫小雅怨悱而不亂古人往矣風雅猶存今人種種而詩之亡也久矣畢然高望繼三百篇而後則亦惟陶柴桑其庶幾乎君遂妄論及之並記於此

我家棲鳳嶺山水恣清奇
刻意成孤往行吟出小詩
投簪逢 聖代騎竹憶兒時
眉宇今何似臨風問紫芝
君遂自題

天涯一舸載鴟夷誰憶相如
諫獵時料峭西風吹短鬢
江南黃葉雨絲絲

酒國詩城憶昔游飄然歸夢
逐閑鷗難收萬斛哀時淚
玉管蠻箋詠四愁門人陳詩

北山樓集

北山樓集

盧江 吳保初 君遂

五言古詩

泊山寺下曉起聞鐘

古寺屬高岑，疎鐘出雲表。
寂寂楓葉疏，冉冉衆星小。
曙色明頽波，涼飈驚棲鳥。
獨帆何迤邐，月落寒江曉。

簡裴伯謙戶部

陰雨初含霽，垂薨溜尚滴。
嫋嫋來風涼，黓黓流雲濕。
道遙溽暑退，索寞日將夕。
咄哉風雨師，連朝阻良覲。

北山樓集

題伯福書札後

歲暮百慮積，風雪光景徂。
故人寄筆札，警欬情無殊。
孰云道義交，勿卹形迹疏。
洛陽一痛哭，詎復悲窮途。
足別三獻璞，裘敝十上書。
坎坎誦伐木，誰伐不材樗。
琪樹花不凋，滄海桑已枯。
喜君賦歸來，獨鶴翔雲衢。

苦旱與壽富侍竹坡夫子聯句

去秋豫河決，今夏復苦旱。
竹天意竟如何，灾黎誰悲憫。
初郊原試眺，望塵高禾黍。
短晷日灼山，翠枯泥垢溪流。
斷竹煇鬱百草萎，憔悴畝芳隕。
初豈無爲霖雲，熱風吹

易返富縱能雨天下時過嗟已晚竹造物胡不仁甯視
賢人隱初安得御龍策滄溟鞭玩蠢富我 皇祈禱虔
屯膏天詎忍竹 古人亦有言物極必將反初會看三日
霖萬緣起偃蹇富

北山樓集

蘇東坡詩集

中膏天晴忽竹 古人亦言言物極必將反初會看三日

賢人隱初安得御龍策滄溟鞭玩蠢富我 皇祈禱虔

易返富縱能雨天下時過嗟已晚竹造物胡不仁甯視

七言古詩

姚烈婦輓詩

作

愁雲黯黯悲風起
瑯琊女子殉夫死
天地正氣無時無
綱常名教需人扶
君不見蒼梧斑竹淚
痕紫
曾是湘妃哭
帝子又不見我朝
穆宗毅皇后千秋節
烈照青史
祇渥靈丹一點心
成仁取義皆如此
烈婦當年初嫁時
賢聲謖謖騰鄉里
姚氏公子天下才
何圖朽索羈龍媒
幾生修到鸞鳳侶
年年作客不歸來
丈夫儘有封侯相
霖雨未符蒼生望
可憐莫慰閨中愁
一詔修文返天上

北山樓集

二

噩耗誰傳邗水曲
傷心淚竭吞聲哭
石爛海枯志不移
辟穀季女甘長饑
弱質奄奄爭一息
詎知飲食爲何物
父兮母兮哀莫哀
哀玉液瓊漿進不得
嫠女輝沈風雨多
絕口不食十三日
暫時分手尙悲酸
况乃生人爲死別
冰霜烈烈同肝腸
不讓西山留片石
阿母已開瑤池宴
雲車風馬來仙眷
留得人間姓字香
封章夜奏光明殿
九重天子重獻欵
大書深刻旌門楣
三綱五常並九法
光爭日月風四夷
盈庭肉食甯知恥
忍污含垢顙有泚
視息偷生終何爲
瞬息王侯皆螻蟻
魂兮魂兮應有知

定生聖哲匡明時救焚拯溺起瘡痍重整地軸扶天維
不然虛負作男兒

北山樓集

四

不於重負作男兒

文士雲雷國鼎傾
孤忠獨步海山清
焚香拜殿心猶赤
投筆臨戎氣益雄
聖澤重登龍輔
天維

五言律詩

中夜

雲開雨初霽
纖月隱園林
人去覺岑寂
夜深鳴素琴
殘螢黏野草
清露滴幽襟
遙想吳門客
相思愁我心

偶至田家作

自笑塵氛客
忽隨沮溺羣
高林過疏雨
飛鳥逐行雲
甕牖餘殘暑
郊原惟夕曛
秋風將落葉
蕭索不堪聞

哭永山謫壯愍

豺虎縱橫日
誰堪社稷臣
死生原細事
忠孝幾完人
縱

北山樓集

五

竭新亭淚
何關曲突薪
英魂當殺賊
一爲靖邊塵

曉色

曉色東方啟
天門跌宕開
雙丸懸赤縣
九陌起黃埃
宦况清如水
車聲響似雷
門前投刺者
莫是孔融來

再送芸閣

疾風吹勁草
故宅冷松筠
江海幾人去
行藏一葉身
不
愁沙射影終
慮海生塵何日回
天怒除書訪逐臣

送任公之申江

吾友梁夫子
飄零真可哀
少年入京國
下筆挾風雷
亦

有新亭淚斯人賈誼才江湖須自重獷獷人相猜

黛色

黛色映釵光飛雲壓石牀破瓜嫌子嫩雪藕引絲長草
軟承趺坐花明挿鬢香輕雷過翠輦驚起野鴛鴦

簡朱強父武昌

少逐鵷鸞侶騎雲入帝鄉歸心問桑柘幽夢墮瀟湘先
業終難繼君恩未敢忘欲從漁父去鼓枻詠滄浪

姚烈婦輓詩

並序

烈婦年二十九歲合肥王上舍士衡女也年十

北山樓集

六

九歸同里姚氏爲郡廩生姚延翰之婦事翁姆
以孝稱初烈婦于歸時卽里中黃貞烈于歸絕
粒殉節之日也烈婦聞而悼之一日詢其夫曰
貞烈之死何如其夫曰可謂難矣至是絕粒以
殉或尼之曰非夫志奈何死烈婦曰已心許之
矣閉目不食數日或又詰以有姑在奈何死得
毋慮貧乎應聲曰穆宗升遐皇后及部臣
皆從死君臣夫婦其義一也不然若毅皇后
之富有四海又何以死哉阻者默然十三日遂

從容含笑而逝時光緒二十四年三月二十日
也有司奏於 朝得旌如例余善其父故知之
最詳頌以小詩惜未能達其芳馨萬一爾

愴惻辭親日從容絕粒時九原心早許一死 帝知之
世亂思臣節家貧仗母慈儒門有風烈如見古鬚眉

讀東林傳

聖朝不殺士尼父弔三仁西市諸君子東林舊黨人涓
涓流碧血擾擾竄黃巾未必逢天怒陰霾黯紫宸

北山樓集
山村郎事跡子言

北山樓集

七

林空殘日墮村遠晚烟齊雲壓寒山斷檐欺獨樹低年
荒饑鶴語烟冥水禽啼亦有知音侶琴樽且共携

夜夢伯福短述

白日墮青天寒山凍暮烟舉杯邀月飲懸榻抱雲眠珠
老丹邱樹桑枯滄海田飛身無羽翰有夢到君前

七言律詩

遊海王村

萬方已畢朝元日，士女紛紛訪道場。
夾轂傾城塞流水，朱顏綠鬢閃明璫。
衣冠潔白朝鮮使，言語咿嚶蒙古王。
汗漫獨遊燕市裏，一時烟景入詩囊。

曉起

巖嶽高城噪曙鴉，西山霞起照簷牙。
初晴霖霖侵宵雨，喜見嬋嫣一院花。
安得還山共鷄犬，終嫌遊洛飽風沙。
蘼蕪芳草年年綠，誰遣王孫苦憶家。

北山樓集

八

賦得萬人如海一身藏

未挂朝衫神武門，一官潦倒戀君恩。
每經文恪尙書宅，且住孫公退谷園。
冷宦未嫌身作僕，窮居聊借屋爲
窠。藏身金殿眞堪隱，豈必桃源避世喧。

送陳靜潭舍人落第出都

君是元龍湖海客，梁園回首鬢毛摧。
幽憂漸覺閑情少，孤憤頻教猛志灰。
季偉割雞曾共飯，唐臯知命不重來。
紫泥早晚天書下，應問長楊作賦才。

君嘗代人作萬壽頌

夜夢故人朱曼君感愴賦此

青天碧海騎鯨去小別千秋返夜臺
季重舊遊成鬼籙謫仙詞賦豈凡才
天荆地棘歸魂慘月黑楓青入夢來
欲挈隻雞向何許山陽笛裏不勝哀

送勒今晦歸西江

鐵馬銀螯千丈開酒龍詩虎萬夫摧
狂名久播人間世拂袖高歌歸去來
多謝田園姑養晦不堪天地正須才
送君多少蒼茫感熱淚臨風灑一回

望西山翠微峯

北山樓集

九

孰把西湖比西子我將西子比西山
醉顏遠映楓千疊淺黛初顰月一彎
餘靄成霞張錦幕飛泉濺瀑墮珠環
雲車小駐長生殿時見仙娥採藥還

聽雛妓彈琴

某妓名二喜山東人年甫二七頗具貞靜之德
莊子所謂塵垢云云者耶善鼓琴爲余彈陽關
歸去來二曲類多悲怨莫訴作詩憫之

春風走馬踏塵紅老佛拈花一笑空那有閑情調粉黛
無端幽怨入絲桐茶烟裊裊初沈夜花影離離欲墮風

莫笑青衫更愁絕天涯淪落與君同

芸閣學士獲譴作詩送之

廊廟江湖事本同
幾人投劾去匆匆
彈章已落奸諛膽
清議能生臺閣風
早把一官輕敝屣
今看鸞鳥脫樊籠
送君苦憶江南好
草長鶯飛二月中

晚春

朱門紫陌鬪豪華
遊女傾城踏落花
閨苑歌殘雨鈴曲
御河風颺柳絲斜
黃金爲勒嘶班馬
繡幃如雲走鈿車
日暮天橋人影散
綠陰簾外卽天涯

北山樓集

十

萬壽寺

御河夾岸柳垂絲
弱絮黏泥不自持
日暖天桃爭婉孌
風翻柔荇總離披
傾城遊女貪春色
跋浪兒童負水嬉
何處春歸三月暮
春花飛輦路夕陽遲

吾生

鳳叫丹山鶴在林
吾生祇合老牆陰
學琴未解幽憂疾
去國常懷浩蕩心
親見蛾眉成碧血
更無駿骨市黃金
不才自分終何補
敢向明時怨陸沈

夜雨

夜半荒雞喔喔鳴披衣起舞氣縱橫未填苦海憐精衛
暫打愁城仗酒兵紅燭燒殘猶墮淚好花萎謝若無情
夢中不識東華路猶是長楊聽雨聲

喜伯福登第作詩簡之

皇皇帝胄膺天潢曾共王孫泣路旁我似殘雲歸斷壑
君如鳴鳳在朝陽敢云官爵如泥土翻幸科名得棟樑
他日小車更遊洛斷容花下醉干場

王室而今歎式微小臣無那拂衣歸樽空北海狂名在
社結東林壯志非老我不才人共棄如公高義古來稀

北山樓集

十一

雙魚間訊加餐食日日相思減帶圍

扶桑曉日上崆峒北極朝廷淚眼中可向燕山問梅福
曾從吳市訪梁鴻誰焚鐵券山河約行見銅駝枳棘叢
答策豈關宗國計懷沙遺恨古今同

君曾繪懷沙圖見示

病起口號

森森虎豹擁天關却望蓬萊縹緲間非爲山川入吳越
慣聽言語識荆蠻有心葵藿常傾日無事雲霓不出山
遍地枯禾望霖雨誰鞭滄海螿龍頑

冬夜書懷

故人強半擁旌旄蕭颯西風動綈袍鏡裏年華鬢鬢改
枕中江海夢魂勞登樓猶自悲王粲鉤黨微聞捕孔褒
誰遣愁人眠不得殘燈欲死曉鷄號

北山樓集

十二

五言絕句

古意

羅袖拂臣衣玉釵挂臣冠臣之東鄰子最得臣心歡

月山

朝看月山來暮看山月出得月已忘山嵐翠霏衣濕

子夜讀曲八首寄閑情也興至輒書了無端緒

天香空中聞幽夢花前覺何處是天涯人在紅欄角

天桃穠李花婉變脂凝肉不怕妬狂蜂螳螂花底宿

葉葉綠雲垂花花紅雨落但恐芳時違那解東風惡

北山樓集

十二

衆香各各殊空花色色異祇合葬花叢忍作葬花事

襄王夢初醒疑雲復疑雨何處最銷魂朝暮陽臺澣

三五復二九明月窺窗牖霜露霑人衣愼莫憑欄久

瑤臺風露多休怨嫦娥妬月下可重逢容狀難如故

猗猗蘭蕙花依依鳳城柳花開柳絮飛腸斷一携手

簡靜根方外

未脫塵根劫難尋採藥蹤白雲如有意飛錫度前峯

七言絕句

得大兄子恒書却寄

吏隱金門已六秋，歸心日夜向林邱。
甯知夢裏耽佳句，未若同登池上樓。

海上

雪浪嵯峨萬里秋，滄瀛一望不勝愁。
誰家歌管聲喧吸，辛苦行人憶舊游。

郊居

脫去塵鞵燕趙間，又隨沮溺鹿麇班。
荒村寂寂少人過，

北山樓集

十四

自起開門看雪山

春夜

環珮翩翩洛下塵，東鄰桃李艷餘春。
月明滿院風鈴語，疑是楊家執拂人。

戲贈姬人許君男

卜居喜近永豐坊，投我明珠李侍郎。
一自城中學高髻，旁人爭說內家妝。

送人

樂莫樂兮悲莫悲，一生悲樂幾多時。
門前綠盡垂垂柳，

又向西城送別離

桐花館

汲井烹茶手自煎
倦來高閣枕書眠
桐花滿地白於雪
正好清陰六月天

客去

木樨雲潤暗香飄
露濕瓊瑤氣未消
客去夜堂涼似水
夢尋莊鳥說逍遙

子言不告而去追呼莫及作詩簡之
寂寂柴門車馬稀
閑扶鳩杖看斜暉
白雲鎮日渾無那

北山樓集

十五

放却空山一鶴飛

春陰釀雨初放晴
疏柳殘烟青一抹
詩人徑去呼不應

滿徑牛羊山響答

詩塚

余病詩久矣近日檢得舊稿拉雜而擢燒之令
姬人許君男瘞花塢中築詩塚云

曾笑閩仙自祭詩
葬詩今及落花時
年年塚上花爭發

重弔詩魂花不知

偶檢篋中破扇戲責以詩

新裂齊紈似雪霜世情且暮變炎涼君王待爾驅蠅蚋
忍自辜恩篋笥藏

扇答

紈素飄零對月圓清風無復灑君前秋來應共班姬語
不到秋來已棄捐

此扇曩時非復如此敝敝亦未見其有揚仁宣鬱之
用其棄捐也固宜而又何怨乎

師友緒餘引

孔子曰三人行必有我師焉孟子曰予私淑諸人也楊
雄曰務學莫如務求師故陸子亦亟稱之夫以聖人之
才之智尙不敢自是而不師於人况常人哉今之君子
則不然往往恥於師人而好爲人師顧其才其智甯獨
超越於聖人之上乎哉抑以聖人爲不足法耶費惠公
曰吾於子思則師之吾於顏般則友之記曰以文會友
以友輔仁友其士之仁者友直友諒友多聞友天下之
善士毋友不如己者非此者則不得謂之友矣是故人

師友緒餘

而無師友則倫理未由能明而倫理亦殆幾乎絕緬先
聖之緒言服後賢之餘論豈僅在韋絃之佩瓊琚之導
而已哉因略檢篋衍所存往時師友贈答之作裒爲一
集雖一字之寡千言之富亦都存而錄之名曰師友緒
餘志不忘也惜初惜學於其緒餘亦未之能有得焉耳
光緒己亥中春吳保初識

師友緒餘
光緒己亥中春吳保初識

師友緒餘

宗室竹坡先師

諱寶廷晚號偶齋官禮部侍郎

書詩後

學韋柳先學其自然此韋柳學陶體也次學其清秀此
韋柳學小謝體也非惟韋柳王孟亦陶謝兼學五言四
韻古詩多學小謝間有學陶者須分別觀之柳詩中有
寫怨者則兼學騷也學小謝每以寫景勝多用對句陶
少對句然時亦有較謝深厚不如謝之易動人也足下

師友緒餘

學韋柳少寫景故難出色寫情更難於寫景學韋須淡
古較柳尤難

鄭太夷先生

名孝胥福建閩縣人官觀察使

字說

保初之字曰彥夏爾雅釋訓美士爲彥說文曰美士有
文人所言也夏通作復說文曰行故道也易復卦反復
其道爾雅釋言復返也士患文汨其質義取復初故美
以善復

課讀淺言

五經不熟而欲學文猶賈而無貲也才高者能兼誦周禮儀禮公穀二氏傳爾雅中人但熟五經已足以進取矣論語孟子尤立身接物之要書非徒爲舉業而已須常玩味

易經 詩經 書經 春秋左傳 小戴禮記

論語 孟子

取注疏一部置坐隅別取讀本日誦數頁熟後繙閱注疏隨意記古義數條埃一經畢更取他經周而復始

師友緒餘

一一

經者理義之藪史者事變之府覽其成敗足以增智鑒其得失足以輔志蓋不可緩也能讀全史固佳但多而旋忘不如專致力於數代之史夫讀史尤貴諦悉不可曰但觀大意此淺疏厭學者所以自文皆宜戒之

史記 前漢 後漢 三國志 南史 北史

舊唐書 資治通鑑

日閱一卷初學閱十頁爲度所喜處隨意用硃筆點數行取其易記爾通鑑可常看之不拘多寡頁數

古者初學必自識字始故說文謂之小學五經既熟之

後此豈可緩哉雖難驟曉積久自能貫通耳

說文解字 說文釋例

日閱數十字釋例置旁參覽近日桂段二家書俟後涉覽可矣

百家博衍其視諸經衆星之拱辰百川之趨海也自經以降理駁文麗學文者皆有取焉所以窮其變次亦得以獵其辭或有篤嗜不置游藝之樂歟

國語 國策 家語 大戴記 韓詩外傳 荀子

管子 韓非子 老子 莊子 列子 孫武子

師友緒餘

三

淮南子 屈子 文選 文心雕龍 世說 水經注

史通

每取一部日閱數頁喜處自加硃點應覽者甚多姑登人所共曉者餘埃嗜學者自推之耳明張溥有漢魏六朝百三家集可供繙閱唐宋大家文集咸宜並觀旁及樂府歌詩雖性不近亦不容屏廢也大抵爲學欲約約者博之基也用功欲簡簡者久之業也精神常使有餘則以逸而知味卽有小作輟亦不害於恒心易繼故也至於不循徑途汎取披覽都無制度旁佚四出因而致

倦弗能成業擲精力於無用之地役志氣於難就之程
覺而悔之或已無及又或飾外驚遠不樂範圍標竊塗
澤以欺世自誣動恃聰明思爲絕迹飛舉偶然弋一日
之名垂老卒無立足後生艷之相尋不已此則務外之
咎非吾黨之用心也

太夷曰余述此篇蓋約守之法謂由此可以言學非
謂止此已足也乃有畏難而病其多者試思並此不
讀何以自齒於學者之林乎

臨禮器碑跋尾

師友緒餘

四

近代作分書者類有二病取神韻則失之卑媚務樸古
則失之簡率要須洞曉法度而能徑下無疑操之欲孰
積久自能貫通耳

論書

作書無難易要自習之久苟懷世人譽俗筆終在手古
今祇此字點畫別誰某必隨人作計毋怪落渠後但當
一掃盡逸興寄指肘行間馳真氣莫復搏土偶時賢爭
南北擾擾吾無取狂奴薄有態或者進獲叟達哉臨川
言妄鑿妍與醜

壽富

宗室字伯福竹坡先生長子也官庶吉士

論軒額札

昨奉手示未能卽覆罪罪承示軒額命參末議竊謂軒額之盛始自曹魏古未有也當時有以此坐浮華廢棄者然鄙意則謂古者器用多有箴銘軒額之題於斯爲近目爲浮華苟哉論也降及後代此風大暢或擢粹於經子或擷華於風月取法前言寄情微物雖標新領異變化萬千大約不出此二端矣若其妍媸有如飾首好

師友緒餘

五

尙各異不容強同變革有宜可參其當以僕言之但有廢置無去取也夫四科共師孔氏造詣殊能五嶽同列名山峯巒異秀言其志則趨向有躁靜言其地則居處有華樸一彼一此甯可強諸至於廢置有可言焉其一曰時時過則廢如尊閣名陟帖是也夫弁髦加首旣喪而除芻狗被文旣祭則棄當武壯公遠戍足下家居定省有疏音容莫接興懷古什借喻風人取以名閣誰曰不宜今足下祥琴已鼓武壯公墓門人合言其思則在追遠言其責則在顯親名與時乖義無取焉如此之類

請從割愛其二曰地地移則廢如種蕉盟鷗等額是也
風雲變態江山異宜草木敷榮南北殊性賞心寓目舉
步不同題額寫心當從其實或廢或置請自裁焉其三
曰志志者畢生不廢如尊額名橫經慎獨者是也人之
有志如射有的的不以射不中而異方志不以力不副
而改向素絲一染不可復移爲黃爲朱可不慎歟且行
不踐言古人所戒實不副名君子所恥一落楮墨便爲
課程終身服膺必求其至與其悔終何如慎始此父兄
不能強命友朋不能代謀者也如此之類請自慎擇左

師友緒餘

六

右虛懷下問謀及孤陋故謹呈鄙懷仰答雅意是否有
當尙祈教我幸甚富白彥復足下

如雪宮君子館等額皆帝王官額私家顏額則自魏
始盛見國志

報書

彥復足下前者覆書久不得報深恐以愚直獲罪左右
適家君有西山之游因於初九日隨侍入山十五日歸
始知左右兩番惠書辭意懇懇不惟不以爲罪反推爲
畏友告以衷曲何左右之虛心而善愛也有人若此雖

夙所不識者猶將竭其愚誠以爲高深之助况吾良友乎雖新交者猶將不避交淺言深之譏况吾兩世之舊誼乎今謹陳鄙懷以副左右愛善雅量辭多愚直尙祈寬恕幸甚方武壯公之與家君定交也家君退告於知交曰中興名將勇悍有餘行止每多躁急氣度高朗未有吳公若者他日國家有成功者不在他人必在吳公富時讀書座隅竊聽而心識之其後武壯公建功東藩家君典試閩海相隔幾萬里猶書札相往還也不幸武壯公遭疾津門遂成大漸而猶於彌留之際作書與

師友緒餘

七

家君決家君每言於知交感公交誼之厚惜公壯志未伸未嘗不泫泣交集也去歲左右入京來見家君退而告於富曰彥復精英內蘊舉止安詳又聞其受學於蘇龕故人有子吾無憾矣富時侍聽竊窺家君喜色盈於眉宇當時甚思一見左右而無因也今歲左右執贄家君門下始得與左右相晤誠如家君言旣而得讀大作又皆清古不俗退而自喜得獲良友然而猶有不滿意於左右者左右非他殉節京卿公之孫中興名將武壯公之子也京卿公以儒生致命武壯公以復讐從戎克

平羣盜底定東藩兩世盛德勵精以圖猶恐難繼今左
右惟欲致力於詩古文辭游藝於金石書畫雖公子之
高致無乃沈溺於不急乎竊謂文章之於人猶采色之
於畫畫工作繪必先鈎勒而後設色君子爲學必先經
濟而後文章苟無其質潤色何施昔人謂一爲文人便
無足觀豈欲盡驅天下爲野人哉誠惡其無本也至於
金石今世士大夫每多好之以爲高雅若富則不然以
爲凡事無問雅俗但問其有用否耳金石款識其有用
者可補訂經史之舛闕然皆其鱗甲非其緊要若謂置

師友緒餘

八

之几案足以爲目娛是異於車馬衣服者幾何哉呂文
穆不好古相業不以之損歐文忠好古德望不以之增
是以太昊顛頊不如授時推步之精也兌戈垂矢不如
鎗礮之力於用也富嘗謂古之可好者惟有先王大法
聖賢遺經耳然不善行之猶能病世况乎古人之器哉
善好古者得其神左右好古何不取古名臣大儒遺事
則而效之久之將與古人神融迹合又何必求古人於
區區金石故紙中哉夫今世之所謂公子者惟知修飾
邊幅狎伍倡優耳左右灑然能不爲彼而爲此豈不勝

於若輩萬萬而富猶苛責於左右者蓋以中興名將多
浮冒勇餉據略城邑故承平以後邑中之擁鉅富者非
昔日之統領卽昔日之材官而其子弟又皆自少隨營
幸得一勝皆濫列保案以黃口孺子既不憂貧又不憂
賤宜其驕縱若是也武壯公儒服臨戎而不使左右讀
書於戎馬間以希得一職又聞公清廉自矢不爲左右
營數世之產武壯公所以遺子孫者既不與他人等則
左右之所以承先志者又豈但不可與他公子等哉富
聞之古之欲有爲者必自讀書始左右之年二十矣屈

師友緒餘

九

指以計可以鍵戶讀書祇十年耳一屆三十日與老近
精力就衰欲如今日胡可得耶來教乃謂困於家務迫
於公事不知此時若不強爲他日家務公事擾人將必
更甚是終身無爲學之日矣且是二者富能爲左右籌
之夫所謂米鹽瑣事雖聖人不免苟得其要一賢內助
佐之有餘不得其要雖終日持籌無當也昔人謂謀生
亦儒者一事蓋謂一家尙不能理又安能理天下耶古
今名臣大儒起於寒賤者十之八九起於富貴者十之
二三武壯公雖以清白遺子孫左右尙不至自出謀食

若左右以家務弛學古今之家無恒產者更難乎爲學矣左右家計不在謀生而在節用節用之道省不急之務去無益之費而已今之不能節用者大約皆以交戚奢華恥於寒素之不類以左右之胸襟富敢斷必無此鄙見使以寒素家風守先人餘業又何憂家計之不足哉天下事好事者事日多省事者事日少富之告左右以節用者豈欲教左右爲守錢虜哉誠以能節用則無不急之務以分心留此有用之日月以讀書耳若夫公事左右雖各登仕版而實在未僚一月之中六日在署

師友緒餘

十

不爲曠官夙夜在公不爲盡職以仕而學斯正其時今日閑曹冷官尙謂不能兼營他日責有專司左右又將何如哉左右所謂二者富以爲皆不足妨學妨學者大半皆在交游耳知己良友隔日一晤不見其密十日一晤便覺其踈晤言一室携手同行皆須終日有二三知己此往彼來即可一月無甯日况人之知己不祇二三耶富之廢學正坐於此近雖悔之無如何也凡此數端皆富之聞於父師未能力行者以左右虛懷下問故妄爲陳之采葑采菲左右節取可也往者武壯公遘疾左

右割臂療親夫割臂至痛左右能以幼年行之者以非
此不足生武壯公耳醫親繼志其重相等凡此數端皆
非割臂之難願左右毅然自克宏此遠謨幸甚幸甚富
頤首死罪死罪

贈詩

天天柔棘珍禽是止肅肅嘉賓胡焉至只翩翩公子美
秀而文淵澄秋吐和靄春雲凌躑顧盼奕奕有神精華
內蘊清光照人維此公子南邦之秀京卿之孫武壯之
胄桓桓武公

師友緒餘

十一

皇家之雄智勇且惠作鎮於東歲在壬午朝鮮不靖強
鄰外窺奸宄內騁

天子命公統我六師或柔或懲無使潛滋湯湯東海洵
洵島夷僉曰慎進公曰勿遲既歷東藩罪人斯得藩人
知生鄰邦失色

天子曰咨茲我禦侮既定厥艱振我師旅東人曰咨公
我父母公其勿歸奠我東土公居東土既歷三年東人
望公如神如天嗟爾東人豈知我公我公之顯穆孝作
忠我公之考既讀既農遭遇時難儒服從戎鄉旅子子

盜賊囂囂食竭援孤臨危授命維時我公乞糶外鄉既
聞凶耗氣憤神僵計日復仇持刀割肉苦戰裹創以殺
代哭既殲渠魁遂佐中興受茲寵祿輔我
皇清豈曰策勲維孝是
旌公居東土乃遘凶疾

天子命公暫歸甯謚東人失公如喪其元傾國出祖涕
泣成川失公何依留公不可疾若可代天其喪我既歸
津門公疾轉篤維時公子省疾幕府思廖公疾至孝鄰
愚割臂和藥血染襟裾昊天不弔喪我虎臣

師友緒餘

十二

九重震悼士卒聲吞東人聞耗如喪考妣作廟報公以
享以祀公神在天公德在民肯構肯堂責在後昆瞻彼
南山有橋有梓苟其繼之我公不死人亦有言廡充維
德推此孝思何事不克陳辭進戒敢告僕夫芻蕘可采
庶幾是圖

嗟乎予幼孤失學猥以先人餘蔭游宦京師喜日與
華士俠客相馳逐於學則益懵焉無聞覺而悔之亦
已晚矣矧仍復不知覺耶傳曰學而優則仕仕而優
則學吾自幼入仕是學不優而遽入仕也既入仕而

仍不學是仕優而仍不知爲學也今旣不仕歸來仍
悠悠忽忽是終身不知爲學也日者因檢閱壽君此
書蓋於今已十餘年矣古詩有云置書懷袖中三歲
字不滅甯惟三歲哉鍼膏伐墨愧負良朋源念前遊
汗流籍湜然則雖終吾生不知爲學亦終吾生不忘
壽君之高義與壽君之言論也雖然徒感君之義佩
君之言則又豈君之志哉則予之負君益多矣己亥
二月下浣保初記

答啟

師友緒餘

十三

富啟前奉佳章適以多事未卽裁答不罪不罪左右天
資英邁工藝多能退食餘暇託情風什雖漢稱揚馬魏
重應劉摛藻選聲未能多讓齊梁以下靡得而言焉况
金天司令秋氣感人睹日月之不留傷美人之遲暮殺
青託素歌也有懷宜乎商音振金石逸響感飛走淒動
風篁清逾桐滴行雲爲之不歸征鴻聞而自落也夫水
仙逸調同之者鍾期廣陵妙音聞之者向秀自非二子
罕得而預何者知音妙侶自古爲難苟非其人未肯相
示也左右杼軸從心珠璣在握猥以不才使得寓目瑤

函初啟異彩忽騰目眩心搖如狂如醉謹竭庸陋式酬
珠瑯蚩鄙貽羞益彰來美斷乎事無天夏涼矣

答賀登第詩

商飈動西陸鴻鴈起中洲偶際扶搖力遂爲凌空遊
戢雲中侶都非澤畔儔翺翔豈不樂念侶心悠悠
佳人
居南國品望重琳瑯清姿鳳麟耀高韻金石流胡爲
入林者取材不見收旁觀咸歎息當局反無尤始悟
超羣才澹泊固寡仇努力勤磨礪氣而淑文無當
祝告於聖世正旁求海鵬翼未舉終當橫九州

師友緒餘

十四

論倭亂札

彥復老弟左右日來心如懸旌而戚友無當路者欲得
確息如捉風影得來示不禁爲之流涕也邇來財匱於
上民窮於下諸小紛然自利自私固早慮及此然何其
速也
本朝深仁厚澤以禮待士以仁養民子孫竟食報如此
嗚呼誰爲厲階至此極也

皇上日來刻勵求治諸臣袖手毫無天良竟使

皇上富有四海而孤立無偶此富之日夜痛心泣血而

不敢告人者也富與老弟兩家世受武靈侯母大夫梁國恩富託天潢老弟勲裔不能振先人之烈爲大國朝廷分萬一憂負罪邱山夫復何言若天悔禍東藩徐復當思所以報正歸善本十二卷風草蒸蒸日上國恩繼先緒設不幸老弟與富安歸乎亦與此城同其存沒耳心亂如麻欲言不知所以日內當走設也富頓首

論彊學會條規書

君遂執事日者蒙以條規見示適有客在座匆匆奉復

師友緒餘

十五

未盡所懷今更申其議伏望垂登當事諸君過於持重誠有使人鬱鬱處梁君毅然另爲約束豈非丈夫惟壽富不無過慮者以爲斯議果成局中先分疆界勢旣爲二人必左右袒一出一人是非以生同室操戈勢所必至當斯會之始舉國非笑謂爲不成今幸規模粗具然非之者尙十四五觀望者亦十二三若局事蒸蒸日上將必天下嚮風若局事或有二三瓦解亦可立待同舟以濟尙恐難成若更參差息駕何所此事成敗大局所關設不幸所言或中謀者未成成者先廢將毋大夫失梁

君之本意乎夫公議者勝人而不爲人所勝者也梁君所欲爲者本皆會中應有之義若並此不能尙何名爲疆學今若邀集同志平心與之徐商使是非大明人人開悟當局諸君將必舍己相從若其不從是違公議違公議者公議亦違之當局者將不自安尙何局事之能持則梁君之議當行之於合會又何煩別爲約束乎壽富聞之非常之功惟恐乃濟邁俗之議閱久自明今者惟憂人力之不厚人心之不堅與其別白是非另生枝節何如相忍以濟培其本根若力厚勢成是非大定則

師友緒餘

十六

亦賢者持柄愚者退聽耳斯時肩荷大事者非梁君輩其誰若不出此將必是非互騰盡失本意勢分力薄奏功無期在會者思去局外者不前人心憂疑大事去矣壽富不幸生逢斯世有死國之義無勘亂之才惟冀風氣宏開人才日出上安君父下遂私圖故當斯舉之興聞而起舞今知局事如此不勝恟懼以與執事相知人故敢貢其私意伏惟恕其狂瞽幸甚壽富頓首

報箋

彥復老弟執事讀來札不勝悒悒無米之炊人人束手所言送家屬減僕僕御言之易易爲之甚難以兄愚見諸所難事皆在此心心苟能斂不須喫力事無不濟若不先求之心卽子身在京仍是拮据老弟雖貧尙非赤手於此中甘苦未能深嘗請觀京官視老弟如天人者正自不少彼亦爰居爰處當亦有道矣伏願展眉省慮先求之心當有脫然渙然時也妄言不罪富頓首

師友緒餘

十七

論戴存莊遺文札

存莊先生詩集拜讀一過避難諸作深摯直入少陵之室但不可以迹象求之耳餘亦雅潔有法可傳也草茅一得二本體近讀史兵法目覩時事立論較紙上談兵者不同但惜非全本然亦可傳吾弟能念及鄉先輩遺文化傳之寔爲盛德使其書不足傳苟不至粗惡不堪猶當存鄉先輩心血况本足傳耶刊時千萬不可妄爲刪定致亂本來面目首尾不全無害也富白

覆札則文辭激激庭檄當惜之以區區蒼蒼日海斯不
大作淋漓頓挫大有 氣致此讀蘇文之效也何來
札謙謙自貶太甚謹拜謝珍襲以爲拙作之光抑更有
言者宋人嗜芹逢人必告芹之美且將獻其君聞者取
而嘗之則螫於口而不勝其苦今天下易牙比比望勿
取其憎而甘爲宋人也富頤首頤首自題言次則當後

師友緒餘

六至三二

論知新報札

連日細讀且喜且懼喜風氣之已開自強有兆懼當途
不諒或夭折之則又徒成虛話更懼讀者不察爲行劫
之舉則大亂將生外人乘之是欲延命而反速之死也
總之若

九重赫然以爲天下率則二者之憂自無吁吾安得伏
蒲而陳之哉册收到謝謝當散之以副盛意但此敢不

痛不癢恐未能得力思爲雷霆之聲以震動之端節後
當起草也明年有暇思立一館若能有四五人如卓如
者則不愁不爲好報館此破望勿再印節費且可舍其
小而圖其大也富頓首

話別札

序文一首呈政別緒萬端恨不能工謹以誌別不足爲
外人道也前索先人遺墨檢稍整者奉上外仲福畫一
紙附呈泥印三方聊以將意悠悠此別相見無期時事
多艱兄又多病今生能否再見皆不可定興言及此流

師友緒餘

一一一

涕無從行矣勉之侍親讀書外勿再爲別事慎言慎交
去奢去惰願以此八字爲故人勗想不忽視之也兄富
頓首

和詩

故人天末問平安拈筆臨風意萬端浩劫華夷同苦毒
危時仕隱兩艱難白雲芳草應無恙玉宇瓊樓日愈寒
別後情懷驗雙袖至今執淚未曾乾

江雲龍

字潛之合肥人官編修

元旦雪賦並序

單闕歲盡余來京師客吳駕部主人孜孜好學時以德業相責問自愧質知淺闇不能有所啟益元旦大雪乃假主客問答之詞稍伸其意焉

歲既餞酒微醺修燭不炏爐火自溫主人乃習靜坐謝賓友觀夜氣之潛生閉元關而固守夜如何其陽回子初大雪颯颯飄於階除主人揖寓客而言曰天道杳冥元陰鬱律值歲星之一周羌滕六之至集蕭蕭瑟瑟灑灑奕奕下愚窮於管窺滯於冰釋彼齊宮賓孟氏之居

師友緒餘

二二二

程門肅楊子之立皆寵以師位資其啟迪今子朝夕與居得毋有所裨益乎客曰余不敏烏足以益君多君好學深思敢證以余之舊聞昔者余亦嘗窺天道窮幽渺日月不淹冉冉將老繼乃悔用心過當反求諸身洗心滌慮去故卽新而知人身一天地也可以窮造化而洞乾坤當夫息心觀變神藏智斂譬彼長宵茫茫不旦既而應物作則陽開陰合動中規矩有神無迹乃如雪之隨氣化爲噴薄遇方圓而圭璧喜昭質之無虧成自來之清白然不可不知所警也脫有物以中之必漬化爲

滓泥觀京洛之塵黑用惕惜乎素衣元者善之長也雪
者洗也元旦一雪殆洗吾人舊染之汚而復其本體乎
主人悚息而起曰聖人之心炯炯不夜顏子洪爐一點
而化聆子玉音敢不心寫

報書

彥復先生足下月尾接奉手書文辭斐厚惻然生感每
顧生平無長可爲朋友推重獨多爲友朋不棄殊堪自
慰弟擬九月朔日赴旅順順候曼君卽由滬到廣東天
寒木落游子懷鄉年底抵家他非所願學殖荒落今不

師友緒餘

一一四

補昔急欲覓同志張君子開收心地汗馬之功焉能更
向風塵僕僕耶斜街人物燕京麟角足下當不至失之
交臂然學問一道各有心得自證之力多於師友反樸
歸真顛撲不破縱情豪上馳驟文場雖足破俗儒面孔
然非士君子真立脚之地僕非甘作腐頭巾語者當世
人豪頗觀其大畧抑志爲此大成小成皆所不計終吾
身焉已矣文章一道得其本原乃爲大樂溷其性眞強
趨時範足下誠不願爲此僕亦不願以此質足下昌黎
答李生書雖非文字究竟語然爲文之道頗得其脈絡

神而明之存乎其人甘苦必自嘗之乃能大獲足下消息頗真慎勿分今古文爲二事幸甚幸甚子恭丈紹春兄學質俱在凝重一邊思之佩服常晤面足補身心足下機神不滯最近此道逐處得益久乃大成讀書應世兩事一理如求着力則甯多讀書少應事耳倚裝書此藉答高誼祈爲道爲學自重雲龍頤首敬

語錄

讀書如喫飯然一日不喫必胸中那一處受了病三四日不喫其病必更深也然任你多大飯量亦不能將後日之飯作一日喫了卽勉強多喫些子其明日必減却飯量也每日祇按頓喫去菁華常運於胸中其渣滓自有時脫去也

師友緒餘

二五

賀納姬詩

白晳鬚鬢微有鬚郎君顏色萬人殊福來消受康成婢神往遭逢漢水姝鴛鴦浪猜疑人打鴨鳳巢安穩自將雛
藤蕪采罷比縑素手爪思量如不如

題照

鐵甲研水海將塵旄頭掩日天爲昏厝火臥薪人未起

起鞭驕馬嬉青春磊落吳生將家子誓向馬上殺賊死
一再請纓遭唾棄慷慨悲歌走燕市裂我舊戰袍憤擲
昆吾刀千金製裘千金買妾此舉何其豪駿馬如龍車
如水誰信家中貧如洗側身東望淚盈眦興來不顧他
人訾君不見信陵君日飲醕酒事婦人樂死不敢辜君
恩又不見越大夫破吳身退歸五湖扁舟一葉載名姝
榻來蹀躞長安道高樓切天輝雲藻今朝鴛鴦瓦上結
霜華明日鴛鴦塚上生秋草君言愁我欲愁胡不輕身
御氣學莊周鵬背不知幾萬里跨之愛作逍遙游藐姑
射山神人居綽約處子冰雪膚神馬尻輪追及之瞬息
天地一須臾何必攢眉苦眼看人世娶妻陰麗華仕宦
執金吾紛紛朝暮隨榮枯

乙未春仲倭寇日深爲彥復題此以寄憤潛之記

寄書

彥復足下揖別條數月五月初到揚州閏五月辦續絃
事今又一月矣念我故人遠住京華不禁人間天上之
感弟此行出京成人間野鶴不妄拜一客絕口不談當
世事新人和淑婉婉有故家風夜夜爲講孝經一章家

人說家常話乃得聖經確旨今日講學論治君子都坐在不肯說家常話耳剛說不談當世事又談及之罪過罪過夜課餘暇日研易經忽悟古人憂患作易之旨間贅以淺言計將脫稿予自勉爲寡過之學終身以之不致蹈東萊博議故事也阮家文選樓荒書籍蕩然日擊懶歎先生舊得文選樓圖章能慨贈我乎入夏以來苦久雨得乍晴溽暑特甚間作小畫消遣過夏擬携新婦回里謁墓儻資斧不給仍寄新婦岳家弟卽隻身歸稍措辦卽携子女來揚就母教卽此家庭事一生行之

師友緒餘

一七

不盡何敢復言天下事哉

聖天子切下求賢之詔當有應世偉人出而澈底澄清之措天下太平吾爲盛世鷄犬亦復何憾昨與內人言欲措天下太平舍孝經無別術爲之點頭存此言爲當代豪傑之驗吾復何言雲龍白

謝餉食物小啟

歲聿云暮歸與未能君遂刑部以糟肉鹹魚見餉謝謝管城子無食肉相對此汗顏楚大夫聞啜醢言爲之心醉一騎飛到不動塵紅雙鯉剖時如披尺素快與公瑾

交飲我醅醪慙讀古人書遺之糟粕問秋何事起張翰
蓴鱸之思買山無錢動東坡花猪之興穉子恒饑貧兒
暴富責逋者門外常如鵠立問君子庭中胡有貆懸勢
必提碎周赧之臺塞破杜陵之屋矣觀我朶頤資公捧
腹雲龍再拜上

覆札

天國聖言吾豈非容聖識林樾爲典

君遂先生足下伴來探袖出白粲粲物奪人目睛君肯
分金我歌得寶雖臯陶面如削瓜不能不作胡盧笑矣
晚涼能來噉粗糲否雲龍頷首

師友緒餘

一一八

贈行詩

海內兵戈定朝堂歲月寬 君王壽 神母遊子戀慈

顏踈拙臣之分憂危世所患劇隣麋鹿性祇合住深山
一疏辭天闕羣言吾道非從容理歸棹黯淡典朝衣瓠
落樽無濟秋深蕨正肥願持聖明日歲歲報春暉

余亦山林客金門獨寤歌胤偷太倉粟鳥憶故園柯記
共寒衾語宵長覺夢多沙湖好烟雨爲我整漁蓑

報書

買山無錢買東鄰茶園之興穉子恒饑貧兒

七月間讀手教知侍養園居天倫至樂家庭內肫肫一

孺子今日見吾彥復真面目也潛心陽明集味道親切
朱陸異同暫且擱過吾自認吾江潛之君自認君吳彥
復可耳講學宜祛其名而落其實學不講如懲羹廢食
廢食不可也學盛講如揚湯止沸揚湯尤不可也此事
默脩默證手不可放過有用書眼不可放過有用人與
子言孝與臣言忠言滿天下無口過反身而誠強恕而
行行滿天下無怨惡孔孟要義在求仁求仁發端在孝
弟孝弟機括在良知良能陽明從千絲萬縷中理出千
辛萬苦中得來不可徒認作口頭語天下事皆吾分內

師友緒餘

二一九

事歧視之不得吾性分中透出天下事隔絕之尤不得
也不必亂設內聖外王的空廓話不必胡挂崇正黜邪
的空招牌時時體貼天地間皆一片生機吾心中皆一
片生理不可先由吾心死了一點天地間皆一段實理
吾身中皆一段實事不可先由吾念假了一點當下放
平萬事萬理皆有落脚處一小器物未放平卽有蹉跌
損破矧言平天下耶二明齋取意不過聊借二人作今
日出處大節畧不可執死看論天下事勢之來有至難
至重至大必須爲伊尹之任者有至穩至乾至淨必須

爲比干之死者皆未可預定於三代下取孔明淵明自具一番苦心非敢妄援古人也竊論今日時勢大臣有大臣體段不可妄存爲貧而仕爲親而仕的心腸小臣有小臣分誼不可妄蹈愚好自用賤好自專的道路此各有卓然自立泰山不動的道理豈咄嗟可取辦臨時耶吾兄近日潛湛體道脚跟先能立定欽羨無既嗣有所得仍祈示我俾共勉之偕至大道學誠不外讀書取友京師取友益慎益鮮非吾兄何以廣我矣雲龍頓首

朱銘盤

師友緒餘

三十

字曼君江蘇泰興人官刺史

報箋

彥復薦部足下承賜書所以推獎者甚至濩落之士何以得此於吾賢耶京華旣冠蓋闐咽之區巾卷紛紜之域以璞玉之資追琢其間故當爲清時胡輦之器徒如下走操毫秉櫝與世文章之士相追逐甚匪所期於足下也旅順地至寒僻鮮纓綬之夫日與問答以是日無好懷可說晝日六時以一時理軍書餘都可讀書寫字日以不廢儻案頭有等慈寺碑者幸見惠一種鄙書頗

粗劣頃所寄屏帖等願督教之後有屬書便可寄委有
安吉縣人吳君俊卿字倉碩刻印宗漢法冠絕當時渠
往爲潘伯寅尙書刻甚多論者以爲超過趙搗叔矣足
下卽欲覓此人刻者可寄上海也有佳著幸垂示尤大
願此間連日大雨廬舍爲水衝倒者不可枚舉若南土
雖此雨數旬亦無妨耳銘盤頡首白

霍翔

字騫甫廬江人官水部郎中

贈詩

師友緒餘

三一

子之先將軍我昔師事人我師平生學子能全記否我
請爲子陳十猶憶八九矢志在無欺制行在不苟有美
不自多有失必自糾心君與天游嗜好空所有脚根踏
實地擇善堅所守聖狂義利界纖毫嚴分割事關孝與
忠精神尤抖擻所以立豐功皆此爲樞紐

九重重儒將斯世稱慈母南服及東瀛碑咸鐫衆口夙
志未盡酬大星隕台斗吾子幸達人接踵明德後剗磨

療親疾

褒旌蒙我

后復叨延世賞弱冠縮華綬瑤環溢聲譽純袴非匹偶
毅然謀繼述入德尋門牖我特揚清芬拜手獻左右願
言承家學用報

君恩厚

童挹芳

字茂倩合肥人官主事

贈詩

客邸周旋久與君情益親升堂曾拜母卜宅亦爲鄰道
廣門成市官閑馬借人欣然如有得文史足榮身

師友緒餘

馬世釗

字敬齋廬江人廩生

贈詩

彥復曠清絕疏懷自怡悅高挹海陵雲獨立閩中雪巖
桂挺芬菲秋蘭供採擷引領仰高山徒言逝巖巖
城郭無良伴君家動欲尋論文秋月上倒酒曉星沈相
許存幽抱微吟託素心茫茫天地外山水足清音

黃中慧

字秀伯江蘇上元人官出使美國參贊

贈詩

吾友延陵子大志常不韜丈夫長城鞏漁仲良產肥賞
奇驩不已近昔匪所希屈賈胥摧劇曹劉在指揮嗟哉
貧賤子坐馳金璧暉入能罔究習七略徒芬菲晨眺慶
喬蔚夕慨魁標嫩枯木感時脫嘉卉涉冬癘今世畢如
茲每念良可歛所期況不至斯願重相違溟湖鵬弭翼
井眉蠅迺誹牛溲鯉不尺鯤池鯨長輦人謂兩不是余
言无一非自古玩所習何爲諠與譏試瞻登海市旋共
朝露晞倘能麋量腹胡事厨入韋但期褐蔽肘奚欣晝

師友緒餘

三三三

錦衣熊經技莫述蛙况奚足徽願言從僂侄顧漱且忘
機

來札

君遂足下近聞合肥太師有慶俄之役首相爲任歐美
恒舉我華則亘古希覩弟故亟欲從行弟本菲材而時
鬱浩志倘能挽允未始非造就人材之一務祈代白隱
曲家大人已請楊藝翁推轂事在必成故又重足下說
項弟並不要保舉不要薪水但求苟免川資時聆太夫
子台誨則所獲已無算矣且弟所堪自信者膽識二字

足以橫行不但好騎劍諳韜鈴而已文字之末久已荒落幸勿道也吾知相公忠國愛才縱於無可設法之中亦不忍難我此行以絕天下志士自疆之路況其權出於己厥欲又不甚奢者哉足下知我有素弟卽不相屬亦必爲我力欣成之矧又親履踏足下階前尺地今復布以此書則固知足下之必善爲我辭更無庸下走諂諂再四也已此事果偕上足以曲全

國體中足以宏作士氣下足以博我見聞慰我恒素裨我自進之懷其所以爲相公馳驅撫劍左右備其不虞

師友緒餘

三四

匡其所畧彌其精智之所未周凡所有益於相公者未始無萬一然今日言之又近於私亦不足道也足下但擇其可言者言之行否聽之相公勿令鄙人有所千古之遺憾焉則足下之知我與否相公之愛才與否胥將於是卜之筆破墨凍不復成字然我固非文人也中慧白

倘有辱我者當爲相公按劍死爭此出使第一要義

吳俊

字倉碩浙江安吉人官江蘇縣令

答詩

一彈再三歎海上獨攜琴醉尉悲無酒成連識此心懷
人坐中夜寄淚託長吟問訊春江水離情深更深

題照

海雲如絮白紛紛看竹名園坐夕曛燕頤虎頭風格在
路人如見故將軍

述吳游書

君遂先生足下俊與君別後因嚴橋公事掣肘東西奔
走如窮人無所歸者四十餘日現事雖寢而俊已積勞

師友緒餘

三五

抱病矣臥牀呼頭痛者又十餘日幸腰臂之患未增劇
可告知己一快臘月初大雪奇寒時猶阻風葉榭葉榭
者浦東荒村無聊步雪中遇蕭秀才號蘆汀者邀至其
家煮鱸魚下酒出其詩令讀詩尙風調如十六七女郎
與姑姑姊姊閑話光景秀才自謂與俊曾相識強作畫
俊倚醉握管藉舒悶氣成袁安臥雪一幀題句相贈云
袁安一臥傳千古畫出草堂墨瀋香我似窮猿悲失木
狂吟踏雪不辭僵可謂無佛處稱尊矣歸坐舟中篷背
雪沙沙不止頗憶與吾君遂先生譚詩而不得復剪燭

畫山水小幅數紙畫皆有詩另紙錄奉一笑月苦霜寒
書畢興復不淺惜牀頭無寶刀一嘯耳俊頰首

題畫詩

古木幽齋靜隔塵春寒風景一翻新孟郊貧死詩誰
好敢抱空山無一人

世味輕如嶺上雲不知有漢不知秦商量漫著搜山
屐坐着梅邊賞別春

無多景物慰蕭寥卜得貧居鄙吝消怪石動如山鬼
立元章不拜自高超

師友緒餘

三二八

墨磨人處好生涯紙閣蘆簾閱歲華飲水不愁饑欲
死平生能事寫梅花

長松一線嫺飛泉峯削雲孤地勢偏何日俗塵風滌
盡呼龍茗上去耕烟

沈瑾

字公周

題照

五花驄負五雲車電掣風馳鳥不如座上延陵舊公子

應劉詩法二王書

秋夜牀頭嘯寶刀碧天霜重月明高夢中應跨驊騮去
躍上龍門釣六鰲

周家祿

字彥升江蘇通州人孝廉

題照

九達之衢局而弗騁軼塵之足縲而弗奔才鶩六合而
倉乎跬步志清四海而攬轡逡巡埃塗之夷籠轂縵輪
周歷五都旁迄無垠祿雖不才猶能循子之軌轍而揚
子之清塵

師友緒餘

三七

正好日光浮面頰青驄啼散太無因此光緒六年初
赴武壯公軍營過滬題贈香閣句也明年過滬則
有西郊繡幃駛青驄絮語香桃落晚風之句又明年
過滬則有風起盡隨珠履轉雲歸初擁鈿車行之句
事隔十餘年逢君遂於海上語及曠香閣香巢猶在
燕子誰家源念舊游追題前句於君遂小象右方油
碧車中宜有璧人共載以語君遂意何如乎

蕙脩

范當世

字无錯江蘇通州人諸生

贈行詩

海寒不似江南地嗟爾何因去復來寰海九州疑有路
平津東閣豈無才翻思乃父三千客我欲娛君五百杯
桃李無言花落盡茫茫風雪一興哀

詩所謂五百杯非虛辭也君謂瀕行尙當辭相國而
過我則擬就寓齋設菊花鍋取酒以相慰樂而付詩
及聯何圖遂當去哉吾雖爲館羈不能往送而自謂
公此來獨能愛樂公者乃我耳惘然不盡還希不吝
手答以酬我當世頓首

師友緒餘

三八

袁昶

字爽秋浙江桐廬人官直隸布政使

報箋

彥復尊兄足下不佞近時患頭風目眩之症又厭苦世
網不樂爲吏常忽忽不自得人不能握管作貞石文字
矣先武壯公偉績燁行石表自當求當代老於文學者
爲之如李萼客侍御張廉卿山長其文足以不朽僕則
非其我不敢承也弟昶肅復

陳澹然

字靜潭桐城人官中書舍人

論皖中人士札

君遂譽自入京來所見吾鄉人士當以方劍華江潛之
爲朝陽鳴鳳餘則蕭蘭異烈鮮可與譚性命者劍華氣
太冷叔度之儔終不能有所建樹潛之浩泊而閱毅淮
南一軍繼起者寡矣此君其代興者乎書此以爲左券
願以告天下有人才之責者嗚僧狂言

宗室繭盒

題照

師友緒餘

三九

祇應龍馬喻精神待倩丹青貌未眞解作閑情酬粉黛
不關託足悵風塵芙蓉秋水花初萼苜蓿春風草乍茵
好著先鞭成壯往鷄鳴相警有伊人

張 謇

字季直江蘇通州人官修撰

題昌化石篋

君遂藏石甚富既爲題匣系詩嘲之時新納姪人

幾年京洛吳公子買石揮金肯就貧亦幸尙饒花乳艷
不愁壁立對佳人

君能摹印偏工懶日日高齋尙愛眠祇恐他年韓約素
人間無數印文傳

來札

朋好之樂無踰京師志願乖違不能北去愴恨何如頗
聞足下近狀許君男似尙未生子旅費足用否走爲鄉
里興蠶桑設紡厥役役三數載撓敗之者百端乃亦幾
有敗勢顧返諸寸心亦無所憾孰令吾生今日耶有懷
百端不能具悉令門人潘偉人走叩起居可從問走大
概伏惟君遂老弟珍衛萬萬饗頤首

師友緒餘

四十

贈行詩

封書朝未叩重閣夕載妻孥去國門擊鼓丞卿持舊怒
投梟王母沛新恩是非彼此甯無定忠孝聲名要有根
第一男兒辛苦事不令哀餓到王孫

勒深之

字今晦江西人拔貢生

君遂請赴東北軍次作詩贈之

綿絳蠻勒肅戎裝誰識書生竟擅場小別未須歌憤恨
此行轉要斂鋒鏃積薪厝火羣公策報國酬恩烈士

陽先德聲名在天下坐看勲業到諸郎

飄颻西風十月天拂衣好去莫留連
試將選色英雄氣一洗清談落
寞詮顧我非無繞朝策多君已
著祖生鞭
大高山勢連雲峻早馘猖酋奏凱旋

題照

長安大道驚若狂是何年少携清揚
六萌之車赭白馬天街蹴踏春風香
馬駛絕塵車流水珊鞭却入商胡市
一泓寫影鏡光開阿堵傳神乃能爾
我聞茲事心然疑作想非想嬉戲奇
得毋頰頰豪華子抑或翩翩游俠兒

師友緒餘

四一

了鳥聲繁叫呼疾吳郎闖然來造膝
手持玻璃尺半箋雙笑蟬嫣展靈匹
拊掌問君意何居託抱宣蘊紛相於
媼姪神駿洵美好侏儒還慮嘲獵漁
君徐殷勤向我道人生行樂應須早
蠓蛄蒲柳胸息過胡爲蹙蹙閑中老
况值天地非清甯一官落寞飄波萍
蛾眉已忤時人眼繭足羞登顯者庭
任子拜恩今十載鬢綠顏丹昔容改
空中步障百丈強墮入迷蒙總櫻悔
靜言思歸難可歸思以綿綿沈則飛
側身東望海雲黑請纓投筆心空遠
翻然忽得韜藏計中隱差如舟不繫
飲醕近婦眞吾師

自怡悅是元通契式君此言三歎嗟相憐詎病夔虺虵
兒曹動被眼瞞殺阿誰勘破虛空花我亦等君致冥想
轉慚時彥難描仿君苗筆視竟欲焚賈誼治安亦徒上
得君廣我胸臆開澄我心海無纖埃夢夢休問天帝醉
且放杞憂傾玉醕閨中略列芙蓉面與我經時不相見
較衡縱亞飛瓊仙添香拂素能無戀誓將南邁不因循
對君奢願還重陳千金定覓龍媒種更妾公孫鬱跂人
含元殿鏡廣丈餘每一過之輒寫人影見陸士衡與
弟書 君請赴征倭軍爲人所沮未果行

師友緒餘

四二

陳 瀏

字孝威江蘇江浦人官刑部主事總理各國事務
衙門章京

惆君遂

遠從車裏識容光佯怯如羞強自莊綠葉成陰誇有子
侯門似海得逢郎風沙萬萬千千界雲雨朝朝暮暮腸
不是帝京三寶地宓妃何處感恩王

脈脈含情對酒樽當時悔不借崑崙明璫翠羽春申浦
白馬青袍永定門畫裏崔徽矜對面座中杜牧噤狂言

生憎一幅蘆簾影遮盡春光易斷魂

題照

吳生好色亦好武駿馬名姬得賢主倜儻風流一少年
英雄兒女皆千古廬江大姓多豪奇先德英風天下知
江南舊住通侯第江北新題武壯祠弟兄才調真無敵
阿大一醉六十日輕車都尉不出門武庫郎官能草檄
胤鬚成塚鐵磨穿南中婦病已三年可無桃葉娛王令
宜有楊枝繫樂天北地名花本傾國南海明珠似明月
宮中梳裹最嬌嬈六朝金粉應銷歇纔脫青衣入後房

師友緒餘

四三

禿襟窄袖內家妝從今侍硯添香夜不在揮金買笑場
廣簪高髻偏嬌貴碧玉簾櫳棲翡翠選句初裁月露詞
從軍未短風雲氣銀鞍金勒驕春風請纓苦要赴遼東
馬革裏尸男子事虎頭食肉萬夫雄拔戟自堪成一隊
暗鳴叱咤千人廢墮指愁敲瀚海水畫眉慵掃春山黛
祇恐將軍幕府開遲爾翩翩書記才何如長樂揮鞭出
何似城南鬪草回腰間金印大如斗難得生前杯在手
欸段惟宜載弱奚婦人那必兼醕酒束牲加璧又和戎
虎毛壯士無戰功空勞獨騎寒山裏枉負歡衾寶帳中

人生自古誰不死，恐此須臾悲復喜。圖畫朝雲索小詩，
年時公幹曾平視。記得盈盈下拜時，清風不減謝芳姿。
平則門邊花睡早，沙湖山外鳥歸遲。宦情鄉味重商略，
年年都道長安樂。不爲飛瓊駐太清，却隨饑雀巢危幕。
悲我江湖獨往人，瘦騾空館兩傷神。夜揮孤枕千行淚，
曉怯疲車萬斛塵。君家名馬名飛兔，君忽掉頭不肯住。
泣別牽衣怨紹蘭，停歌掩扇憐樊素。君不見襄勤令子
光祿卿，不及古州丁總兵。高麗官妓能歌舞，月照關前
五百營。

師友緒餘

四四

論骨董書

兩龍廣鼎也，厥色在嘉道。時彼萬萬者，惡克允哉。胤竊
漏脂所遇，紛覲未云可。寶突紫類猪肝者，旣亡題識復
不見。舊始以十笏左右，挽君代咨人。棄我取此焉，故智
歸孰審之政亦翩然。易圖曾經滄海難爲水，除却巫山
不是雲。蜀龍已邁，吳虎歸君。我直得魏狗焉，抑亦可以
不必矣。我旣厭置之，又極之於其所往。勸君亦安庸姑
容之，盜驪旣駕奚用蹇。衛灌莽旣夷，修竹乃見。足下明
達者，亮以僕爲知言也。赤質綠章伊尙之，尤白龍青鳳

寔茹之桀取舍之際宜知所裁翳尙最狡退軍良難拔
一返肆權杓在我但使北宮有不撓之見養由无忘歸
之名假其不聽縱操則悉師以出之反其旄倪而我不
折一矢焉時不過三月匪云久淹歲時似亦足以箝之
矣敬此大噓瀏白

祁師會

字君肩山西壽陽人官兵部員外郎

賀納姬詞 調寄高陽臺

宮額舒妍仙妝斂媚最憐掌上輕盈藏嬌金屋葳蕤深

師友緒餘

四五

鎖幽情爛詩况是庚戌婢伴裁書紅袖娉婷看綠陰結
子鳳雛試舉清聲 蕤鱸鄉思秋風起好思量舊夢珍
重歸程燕子香巢微波何處通靈載將桃葉江南去隔
銀河天上雙星試畫眉彩筆平分妬殺傾城

文廷式

字芸閣江西萍鄉人官翰林院侍讀學士

別後札

彥復仁兄足下城闔相隔過從遂踈獲咎以來三蒙垂
顧尤復惠以佳章過相獎飾雖非所任敢不勉旃行期

匆促未及詣別尤深慙悚弟雖無狀然於出處之際無所固必惟離索之感極不能忘風雨如晦望同志君子勿替素心耳吾兄質厚氣清同輩夙推江海阻修願崇明德不盡欲言途中得詩一首錄呈郵政萬望爲道自愛廷式頷首

潞河舟次

春色在楊柳北風猶峭寒城陰連岸暝浦浪激雲寬
蔬少厨人計鐘殘旅夢安篋書留諫草未折寸心丹

全中基

師友緒餘

吳玉五

字洛人朝鮮國人官主事

乙未中秋江亭讌集贈詩

洛陽秋老客心懸目送飛鴻白日眠若遣相思君似我
一天明月兩家圓

正陽門內桂花春客思悠悠節物新一別韓城消息斷

泉聲山色屬誰人

左紹佐

字笏卿湖北應山人官刑部主事軍機章京

同和陳虞臣刑部遊白雲觀韻

西山晴翠接飛樓樓上飛雲去復留聞說神仙皆碧眼
可容士女問丹頭香車寶馬春相伴霧閣烟窗夜不收
我欲吹笙携弄玉 鸞鶴思悠悠

鮑心增

字泳漪江蘇鎮江人官吏部主事軍機章京

覆札

彥復足下昨暮歸讀悉尊示長安行樂處耳我輩居此
豈合時宜足下之歸雖由志趣超卓亦天遣靜嘗闊淡
沈潛中之滋味也豈偶然乎然則足下他年之建樹宏

師友緒餘

五四

遠將於此行卜之他人謂此爲退著耳豈知送者自厓
而返而君自此遠矣豈特尋常進步而已哉梅香奇絕
無不自清寒澈骨中來竊願執事之高自期許也再足
下近事古人時時有之在今日誠爲絕調非復人間曲
矣然私意弭節黃浦之時必不以一字示人假令四座
驚歎播諸報章殊非盛德之事執事必不使之然也奉
教日淺狂論滋多伏希鑒恕心增頓首

贈行詩

歌舞婆娑地淒涼君此行安危孤憤切富貴一毛輕報

國心空壯驚人語肯平臨歧潛灑淚不爲別離情

延陵本將種好武復能文涸轍蘇賓旅沈寃掃霧氛深

山非寂隱高臥足殊勲行矣勿更道相期砥礪勤

朝鮮全洛人流寓京師瑣尾可念君屢厚贈之君

近平反寃獄活死囚七八以此忤權貴弗恤也

來書

朱克柔

師友緒餘

五六

字強父浙江嘉興人

來書

君遂先生執事去歲十月春浦一面公歸田園鄙人卽
赴鄂城之招勞燕倉促抑何緣之慳耶自是遂傾想志
度不可去懷鄙人之愚則然人海蒼茫未審執事胸中
亦復有鄙人否伏維名山多福春暉爛然竹柏增翠企
望迺在天半惟是神州多故四夷交侵王綱明解聖道
隱裂君國之感罔極敷天之憤莫外度執事三徑雖
樂聞夙歲東方諸警電甯遂得以拂衣人不復依北斗

望京華耶南皮尙書頃創官報於武昌以選古選今爲
綱以正人心開風氣爲宗旨命義至偉英乂奮集惟如
克柔不才亦在禮羅之列彌以爲愧尙書陳誼大公冀
得天下賢士君子之助此意獨可敬念鄙人以其下問
之切乃獨以執事志事芳香上達南皮之好賢乃有識
名恨晚意緒屬飛函敬索執事去歲未上疏稿一讀平
生愜心大著能多賜數篇觀之尤盼幸萬勿慙棄皖鄂
江輪頗迅利或執事能卽武昌一游藉以憑弔晴川黃
鶴兼索中興以來羅忠節胡文忠諸公鄂中遺烈此亦
一壯游鄙人別有賃舍在城敬掃徑懸榻以待高賢涖
止去歲述礦學會報事南北君子應者漸多亦專俟公
來大定一切公既自命豪俊人鄙人自待亦復不薄當
勿以交淺言深致遲回也尊考大夫功偉暨生平大略
祈示及一二以識傾嚮克柔頓首

王尙辰

字謙齋合肥人官翰林院典簿

書未焚草後

胸填五嶽恨難平前席無人淚暗傾大筆匡時干忌諱

小臣去國獨分明讓梨懷橘尋初志咒竹彈蕉送此生
白首卽潛猶遇主憐君壯歲卽逃名

補遺

壽富

寄箋

君遂我弟屢荷辱書迫於王事匆匆未獲一答海天
萬里破浪東發秋風旅思念子實多雨雪言旋歲云暮
矣勞生碌碌可悲也夫吾弟道遙江湖養親課子俯視
塵世應憫勞人老母比來定更康健山中著作今又何

師友緒餘

五八

如兄窮寒歸家征塵未清已入新歲索居落落殊無好
懷惟淚眼不枯善恨猶昔差堪告慰故人耳江南草長
幽興最宜考槃寤歌必以相告努力加餐凡百珍攝壽
富頌首

來教敬悉大稿拜領山居清致令人想煞捧讀見懷之
作甚爲悽然老弟天姿英邁同人罕比惟與時局甚不
相宜今能山居讀書養親課子雖老弟之能退亦武壯
公在天之靈實默相之時局艱難人情百變深望此後
挂口不談時事文字之間尤宜檢點兄夙不喜隱逸一

流以爲欺世盜名養庸取巧最爲下品惟夷齊陶靖節
不在此例蓋不得已而隱也老弟此番上書不成拂袖
歸去蓋亦不得已者自此與世隔絕夫誰得而議之人
生最難得者終身與猿鶴爲鄰而不負君子之責老弟
今已得此豈非天幸從此弄月吟風愈見碩人高致兄
於老弟愛之重之故敢盡言請檢郭有道陶靖節傳讀
之思之師之至之必有合也兄不幸生逢多難又在
宗籍老弟之境實望之而不可得自斷此生永無展眉
之日矣言之悽然兄富頓首

師友緒餘

五九

左紹佐

作別札

君遂足下昨日告假已開缺矣初八日行期匆迫未及細談繫懷曷已世境淒澹慘烈天下豈復有桃源耶早去者真令人健羨無極漏船行風終須有號呼長年之日足下義思苦調何能忽然長已不顧惟益勗思葛亮陽明作用勿徒爲陳東憤激一路則鄙人之所禱祝而長欽者也伯母高年足下又有姊之喪此時歸奉晨昏實亦時止時行之妙但吾輩聚首未期奉教之日淺此

師友緒餘

六十

爲酷耳如兄紹佐頓首

出都時伯福贈序一篇潛之贈聯云家庭內朏朏一孺子朝堂上落落大丈夫並跋語及他友所贈詩畫等均失之海上無從刊入今又檢得笏卿一札附錄於此君遂記



中国书店标价表

册数	定价
1	4.00